


Scola Surses



Urden da disciplina

La scola Surses relascha igl urden da disciplina suandont.

Scolars e persungas d'instrucziun vignan tractos neutrals alla schlattagna.

1. Cuminanza

An la scola Surses sa tignan tots allas suandontas reglas e cunvignientschas.

- *Salidar:* an tgesa da scola ischans disos d'ans salidar scu segn da stema vicendev-la.
- *Respect:* scolars, magistraglia, instanzas da scola e persunal da scola s'antopan cun respect e toleranza.
- *Ordinaziuns:* segl areal da scola, aint igls bietgs da scola ed ainten las stanzas da scola valan durant igl taimp da scola las ordinaziuns dallas persungas d'instrucziun u dallas persungas da survegiazion responsablas.
- *Antschatta da scola e punctualitad:* nous dagn gronda peisa a punctualitad e spitgagn, tgi tot igls scolars e las persungas d'instrucziun seian pronts all'antschatta dallas lecziuns.
- *Pôssas:* durant las pôssas grondas sa cattan igls scolars sen la piazza da pôssa. Els vignan survegilos d'ena persunga da survegiazion.
- *Schlognas:* ainten las stanzas da scola e durant l'instrucziun ègl betg lubia da schlogner schlognas.
- *Livel da canera:* durant las ouras d'instrucziun duess riger quietezza an tgesa da scola e segl areal da scola. Canera e correr anturn disturban igl travagl da scola.
- *Telefonigns:* vignan deponias dallas scolaras e digls scolars dalla superioura durant l'instrucziun ainten las stgaffas da guardaroba. Per tot las scolaras ed igls scolars dalla scoligna anfignen la 6. classa primara ègl scumando da piglier ainten scola telefonigns, tablets ed apparats sumigliants.
- *Infurmaziun:* nous ans infurmagn alla tavla d'infurmaziuns resp. aint igl educanet. Agls scolars stat a disposiziun per lur messadis en'atgna tavla d'infurmaziuns. Igl messadis digls scolars on da neir mussos alla direcziun da scola avant tgi neir pandias or.

2. Urden

An la scola Surses tractan tots las stanzas ed igls urdegns cun precauziun.

- *Nattageda digls calzars:* antrond an scola nattagiainsa igls noss calzars da radaint.
- *Gardaroba e taschas da scola:* igls scolars son dustar an urden lur calzars/scalfigns e vistgadeira ainten las garderobas.
- *Utilisaziun digl mobigliar:* tar igl adiever digl mobigliar e digl material da scola on tots rughel e chito. An tgadafi, an luvratoris ed aint igl salv d'informatica valan ordinaziuns spezialas. Donns èn d'annunztgier immediatamaintg alla persunga d'instrucziun responsabla. Donns intenziunos e da greva negligentscha on da neir paeas digl scolar resp. digls autorisos d'edutgier.
- *Tarmagls privlous:* tarmagls privlous scu armas (er imitaziuns), soft-airgun, laserpointer, steilas da trer, cuntels gronds e tgossas sumigliantas èn scumandadas segl areal da scola.

- *Rollerskates ed essas cun rodas:* an tgesa da scola è scumando dad eir cun rollerskates ed essas cun rodas. Rollerskates èn da trer or, avant tgi antrar an tgesa da scola. Durant igl taimp da scola dastga er nign eir cun rollerskates segl areal da scola.
- *Tualettas:* tots on da mantigneir urden e sobradad aint igls indrezs da tualettas.
- *Rusment:* rusment e palpieri totgan aint igls recipiains correspondents, seia chegl segl areal da scola scu er sen veia da scola.

3. Siertad

Accidents, donns ed anguladitschs ampruainsa d'evitar tant scu pussebel.

- *Veia da scola ed a tgesa:* igls scolars von schi pussebel sen veia directa a scola, resp. a tgesa. Els observan per muteiv dalla siertad da traffic las reglas da traffic valevlas. Per discussiuns an gruppas tschertgan els posts sieirs e tignan liber veias, passapeis e l'antrada segl areal da scola.
- *Transport da scola:* tot igls scolars s'oblieschan da sa deportar andretg aint igls meds da transport numnos, durant igls transports da scola ed observan las ordinaziuns digl persunal digl bus.
- *Velos:* igls scolars èn sezs responsabels per la prontadad per igl traffic da lour velos (tenor igl urden digl traffic).
- *Objects da valour:* tot igls scolars fon an lour agen interess, sezs atenziun digls agens objects da valour. Uscheia son neir evitos anguladitschs an gardarobas, tgesas da scolas etc.
- *Donns da possess privat:* velos, stadals e skis dastgan angal neir deponias aint igls lis previas per chegl. La scola stat betg no per anguladitschs e donns.
- *Sasdadas* an tgesa da scola e segl areal da scola son periclitar la siertad e la sanadad digl singul scolar. Ellas èn percheigl da tralascher.

4. Sanadad

Igl success an scola dependa ferm d'ena maniera da veiver sanga.

- *Marenda/ansolver:* en ansolver galdia sainza hectica u er ena marenda dattan forza a corp ed olma (nigns dultschems).
- *Pôssas:* igls scolars duessan sa revigneir activamaintg dall'instrucziun, schi pussebel or agl liber, durant la pôssa gronda. Igl plaz da pôssa è cò per tots, igls scolars on da piglier risgurad l'egn sen l'oter.
- *Meisa da giantar:* per la meisa da giantar dattigl en reglamaint spezial.
- *Scalfigns:* er igls peis dovran aria frestga per trer igl flo. Per muteiv da siertad portan tots unfants scalfigns an tot igls bietgs da scola.
- *Vistgadeira:* las tgesas da scola èn scaldadas bagn. Igl scolars vignan vistgias uscheia a scola, tgi son lascher vistgadeira dad eir cun skis ainten la gardaroba.
- *Fimar, alcohol, drogas:* segl areal da scola e durant occurrenzas da scola (excursiuns, spassagedas, camps da classa etc.) è scumando igl possess e consum dad alcohol, cigarettas e drogas.
- *Sorteida:* ordvart igls taimps da scola èn da prancepi igls autorisos d'educziun responsabels per lour unfants. La scola spera, tgi els surpeglan surtot la seira, cunsientgousamaintg lour obligaziun da survigilanza digls unfants.

5. Absenzas

Igl success an scola dependa ferm dalla frequentaziun regulara dalla scola.

- *Prancepi:* igls autorisos d'edutgier èn obliias da tarmetter lour unfants regular-maintg a scola (art. 68 passus 1 dalla lescha da scola cant.). Els on d'observar igls taimps da scola.
- *Muteivs da stgisa:* scu muteiv da stgisa per absenzas valan surtot malsogna u accident, impedimaint antras forza dalla nateira, mort d'en confamigliar u d'en'otra persunga da referimaint, en termin da medi tgi so betg neir spusto.
- *Infurmaziun:* tar absenzas ò la persunga d'instrucziun responsabla u igl secretariat da scola da neir infurmo immediatamaintg. Igl carnet d'absenzas ò da neir viso da tot las persungas d'instrucziun e terapeuts pertutgias. Dattigl dubis pertutgont la legitimaziun digl muteiv da stgisa, vign la direcziun da scola infurmada dalla persunga d'instrucziun. Igl consegl da scola decida definitivamaintg.
- *Cumpetenzas da congedis:* igl consegl da scola deleghescha las sias cumpetenzas da conceder congedis scu suonda:

<i>Scalem da cumpetenzas</i>	<i>max. mezs deis per onn da scola</i>	<i>total deis</i>
Autorisos d'educaziun	anf. 4 mezs deis (deis da joker)	2 deis
Scolast da classa	ulteriours 4 mezs deis	4 deis
Direcziun da scola	ulteriours 4 mezs deis	6 deis
President consegl da scola	ulteriours 4 mezs deis	8 deis
Consegl da scola	ulteriours 14 mezs deis	15 deis

Absenzas vignan registradas durant igl antier taimp da scola.

- *Dumondas da congedi, termin ed infurmaziuns per deis da joker:* dumondas da congedi u comunicaziuns da deis da joker èn d'inoltrar, resp. communitgier digl autoriso d'educziun treis deis avant l'antschatta digl congedi. Per dumondas da congedi da passa 8 deis vala en termin d'inoltraziun da 4 emdas da scola. Per commembers d'en cader da sport u talents da musica valan cunvignientschas da congedi spezialas, tgi èn regladas ainten ena cunvignientscha; cò schea la responsabladad tigl autorisos d'educaziun. Mintga dumonda da congedi ò da neir visada siva digl consentimaint da tottas persungas d'instrucziun e terapeuts pertutgias e returnada agl scolast da classa.
- *Retratga:* igls quatter mezs deis da joker son neir retratgs an moda libra, singuls u ansemen. Surportar chels sen igl onn proxim è betg lubia. I son neir retratgs angal antiers mezs deis (betg ad ouras).
- *Restricziuns:*
 - *Mezs deis da joker* son betg neir concedias: igl davos de da scola avant ed igl ampren de da scola siva las vacanzas da stad; durant occurrenzas da scola (scu viadis da scola, emdas da project, occurrenzas sportivas, Calonda mars, Nadal da scola, festa da finiziun da scola, eua.); per scolars tgi on ena cunvagnientscha.
 - ò en scolar fitg bleras absenzas, son er betg neir concedias deis da joker.

- per schlunganeir las vacanzas vignan concedias dalla persunga d'instrucziun u dalla direcziun dascola nigns mezs dies libers supplementars .
- *Lecziuns da cumpensaziun*: i dat nign dretg sen lecziuns da cumpensaziun. Igls scolars/autorisos d'instrucziun èn sezs responsabels per la cumpensaziun/elaboraziun dallas lecziuns da scola mantgantadas. La persunga d'instrucziun è autorisada da lascher piglier siva examens.
- *Emdas da sondadi*: igls scolars son far dus emdas sondadis durant igl taimp da scola. Pi lungs congedis survignan els angal, schi son demussar tg'igl on fatg sondadis er durant las vacanzas.

6. Tgossas generalas

- *Maseiras disciplinaras*: scolars tgi caschungan reclamaziuns antras lour sa cuntineir, on da chintar cun maseiras disciplinaras.
- *Responsabladad*: per occurrenz (disco, partis, tendas eua.), tgi èn betg organisadas ed accompagnadas d'ena persunga d'instrucziun, èn igls autorisos d'educaziun responsabels.
- *Ordinaziuns*: tar excursiuns, spassagedas, camps, eua. surdattan igls autorisos d'edutgier la responsabladad d'educaziun allas persungas d'instrucziun. Igls scolas on da suandar lour cumonds.

7. Maseiras disciplinaras, procedura

- *Cumpetenzas*: tar surpassamaints ancunter igl urden da disciplina ainfer igl areal da scola e durant igl taimp da scola èn responsablas las persungas d'instrucziun e la direcziuns da scola. An cass penals ordvart igl areal da scola, èn igls scolars sottamess agl dretg penal svizzer per giuventetna.
- *Maseiras disciplinaras dalla scola*: tar surpassamaints cunter igl urden da disciplina, so neir ordino cunter igls culpevels en'admuniziun an scretg u a bucca, pensums da castei ed/u arrest u lavours spezialas survegiladas. Per cassar lour casteis son igls scolars neir clamors durant lour taimp liber, surtot siva scola, mesemdas sivamezde, sondas, deis libers ed an cass gravants durant deis da vacanzas (oter tgi dumengias e firos).
- *Rom da cumpetenzas dalla scola per maseiras disciplinaras*:

	reprimanda	pensums da castei	arrest	lavours spezialas
Scolast	x	x	x	max. 2 mezs deis
Direcziun da scola	x	x	x	max. 4 mezs deis
Schulrat	x	x	x	max. 6 mezs deis

- *Constataziun digl fatg, udeida giuridica*: furma e circumstanza dalla cuntravenziun disciplinara on da neir sclareidas. Igl scolar ò da neir tadlo. An cass, noua tgi stattan an dumonda en arrest per daple tgi en mez de u ena lavour speziala sot survegilaziun, èn da tadlar avant la decisiun er igls autorisos d'edutgier, resp. lour substituents.
- *Recurs*: igl recurs è reglo ainten art. 14 digl urden da scola.

- *Infurmaziun:* persungas d'instrucziun ed instanzas da scola s'infurmeschan vicendevlamaintg, mantignond l'obligaziun da discreziun e la commensurabladad digls cass disciplinars.
- *Reglamaints digl dretg penal per giuventetna:*
 - *Unfants sot 10 onns:* infurmaziun agls autorisos d'edutgier. An cass pi grevs vignan avisadas las autoritads per la protecziun digls unfants e carschias (APUC).
 - *Giuvnils tranter 10 e 18 onns:* istanza responsabla per cass penals è la procura per giuvnils digl cantun Grischun, Coira.

8. Antrada an vigour

Chel urden da disciplina è nia relaschea digl consegl da scola an la seduta digls 04-12-2017. El aintra an vigour cun l'antschatta digl onn da scola 2018/2019.

Per la scola Surses

Igl president digl consegl da scola:

Igl manader da scola:

.....
Giancarlo Torriani

.....
Jörg Bühler